

死便回眸

贈眾道友

有心入道莫推延  
惟恐因循老了賢  
今日不知明日事  
今年怎敢保來年

又

長生有路好追尋  
譬似無常好歇心  
雲水閒遊尋好伴  
自然得遇好知音

示門人

一思一慮覺傷神  
怎敢留心惹絆塵  
斷制萬緣渾是假  
修完一性決全真

道藏輯要

洞玄金玉集

七

胃集六

又

人我山頭生死關  
勸人推倒我人山  
人我既除心性善  
自然跳出死生關

又

欲要元初一點明  
須教猿馬兩停停  
心清意淨三丹結  
虎遶龍蟠四象成

寄李濟川

伏藏聰俊不名愚  
猛拚榮華大丈夫  
敢棄妻男真烈士  
志修道德稱吾徒

贈魯姑

一衝霄漢慧燈明八卦祥烟靄靄生九轉金丹成玉性十洲瓊  
路坦然行

贈松溪散人薛姑

修行大忌好奢華打破般般鍊麥麻返覆陰陽通造化自然鑪  
結大丹砂

贈柴姑

無爲無作大修行意淨心清放慧燈照透九關通出入崑崙山  
上得昇騰

贈霜溪散人顏姑

一心入道不回還八味瓊漿溉大丹九曜合和真玉性十分功

道藏輯要

洞玄金玉集

六

胃集六  
川上

滿赴仙壇

京兆府牒發還鄉故作是詩以謝統軍

三髻山侗得遇遭專來秦地鍊雲濤尋思把白還鄉去不若廳  
前請一刀

旣蒙牒發不得已而別京兆故作是詩也

利名場上騁風流怎肯灰心物外修莫怪綸竿收拾去自知巴  
句匪洪鉤

河中府安公索

安公須要悟長安悟得長安作內觀心意不隨猿馬轉氣神調  
暢結靈丹